



Хозирги ўзбек хикоя ва киссачилигига Эркин Аъзам, Хуршид Дўстмуҳаммад, Собир Ўнар, Абдукаюм Йўлдош, Назар Эшонкул, Улугбек Хамдам, Зулфия Куролбой кизи сингари ижодкорлар калам тебратишмокда. Улар яратган хикоя ва кисса намуналари хам услуб, хам шакл жихатидан ўзгариб бормокда.

Хусусан, ўзбек хикоячилиги икки хил услубий йўналишда ривожланаётганлигини кузатиш мумкин: анъанавий реалистик ва модернистик. Замонавий ўзбек ёзувчилари устоз ўзбек хикоянависларининг, шунингдек, жаҳон хикоячилиги ижодий тажрибалари билан, рамзий-мажозий образлар ва услуб жихатдан Гарб адабиётига хос модернистик шакл ва усуллардан кенг фойдаланишиб, хикоячилиқда янгича бадиий-эстетик янгиланишлар ясашмокда. Уларда каҳрамон рухиятига янада чукур кириш, бадиий психологизмнинг янгича тасвирий воситалари бўлган адабий галлюцинация, иллюзия сингари тасвирлар, янгича рамзий-психологик тимсоллар яратиш, хатто ёзувчи фантазияси билан яратилган бадиий-романтик тўқима образлар талкини хам учрайди. Шу маънода, сўнгги ўн ийллик ўзбек хикоячилигига Хуршид Дўстмуҳаммаднинг “Беозор кушнинг каргиши”, Собир Ўнарнинг “Чамбилбейнинг ойдаласи”, Назар Эшонкулнинг “Ялпиз хиди”, Абдукаюм Йўлдошнинг “Бир тун ва бир умр”, Улугбек Хамдамнинг “Узокдаги Дилнур” номли кисса ва хикояларидан жамланган китоблари эътиборга лойик.

Бинобарин, Хуршид Дўстмуҳаммаднинг “Жим ўтирган одам” хикоясида битта илмий институтда кирк йил хизмат килган олим – Курбоналининг хаёти, хусусан, унинг писмик характеристи, яъни, кўриб, билиб туриб, билмаганликка олиш каби жамиятимизда кун кечираётган шахсларга хос локайдлик ижтимоий салбий иллати бадиий мухокама этилади. Хикоя каҳрамони Курбонали, аслида, хаётининг биринчи кисмида ботир, гапга чечан эди. Аммо хаётининг иккинчи кисмида худди отаси каби, падари васият этиб кетганидек, тилига кулф солиб, жим яшайди. Бинобарин, Курбоналининг одамови, ажабтовур характеристини хикоя матнида муаллиф ўз баёни воситасида шундай тасвирлайди: “Китмиrlигими, писмиклигими тутганида у хеч бир мўминнинг етти ухлаб тушига кирмаган киликларни ўйлаб топади. Дейлик, уйидан чиккач, рўпарасидан таниш-билиш якинлашаётганини кўрган захоти кўзини чирт юмиб, йўлида давом этаверади. Йўл беш кўлдай маълум – на кокилади, на сукилади. Бетма-бет келган таниш эса хайрон саломлашайми-йўкми, дея бир карорга келгунича Курбонали бекатга етиб улгуради. Килигидан ўзи мутаассир бўлиб мирикиб … ичида кулади. Ха, бу инсон ичида

кулиб, ичида кувониб, ичида хуноб бўлишни, нимаики бўлмасин, барини ичига ютиш санъатини мукаммал эгаллаган". Хикояда баён этилаётган онаси вафоти билан ўтказилган Илёсвойникидаги (Курбоналининг кўшниси) худойи маърака, таъзияга келган чолларнинг гурунги, бу бахсга ўзгача талкин берган номаълум шахснинг деярли хар куни хикоя каҳрамони олдиdan чикиб, маъракадаги воеани эслатиш оркали, гўёки, рамзий маънода, жамиятда олимлик макомини олгану аммо одамийлик макомига эриша олмаган Курбоналининг фожиавий хаёти муҳокама этилади. Курбонали хар куни кутилмаганда олдидан чикиб, маъракадаги воеани эслатувчи бу кишини "Кимсан" деб атайди. Бизнингча, ёзувчи бу образга хикоя каҳрамони Курбонали тили ва нигохи билан "Кимсан" деб исм берар экан, мазкур ифодада хам хикоянависнинг муайян бадиий максади ниш бериб турибди. Назаримизда, Кимсан образи хикоянинг бош каҳрамони Курбоналига, унинг бутун бошли хаётига, хаётий аъмолига, кирк йиллик илмий фаолиятига "Сен ўзи кимсан?", "Бу дунёда яшаб, умринг поёнига етганида ўзингга савол бериб кўр-чи, сен нимага интилдинг? Нимага эришдинг? Нимани ютказдинг?" – деган бир катор залворли саволларни ўртага ташлаётгандек таассурот уйготади. Демак, Кимсан хикоя сюжетини ва унинг муҳим композицион гоясини шакллантирувчи аник максадли, мантикли образ саналади.

Шу боис, хикояда атай ўйлаб топилган топилдик образ "Кимсан" асар бадиий гоясини очишда очкич хисобланади. Кимсаннинг лукмали гап-сўзларидан, чунончи, "жим ўтирган одам энг хавфли одам", деган хукм-хулосасидан сўнг, Курбонали оёги куйган товукдек типирчилаб, виждони азобда колади. Курбонали кандай фан соҳаси билан шугулланган, кандай илмий кашфиёт килди каби тафсилотларга ёзувчи мутлако тўхтамайди. Асарда илгари сурилаётган иккита муҳим гоя ўсимликнинг ўқ томири сингари кўриниш бериб турибди. Биринчидан, Курбонали хаёти мисолида: "Олим бўлиш осон, аммо одам бўлиш кийин", деган жайдари бир халкона фалсафа кўрсатиб берилади.

Хуршид Дўстмуҳаммад хикоя каҳрамонлари исмига (Курбонали, Кимсан, Куролбой, Тўлаш тараша, Илёсвой, Одилхон ювош) ва маъракадаги: "Илмли киши кандай хусусиятларга эга бўлмоги лозим?" деган бахсли мунозарага хам миллий, хам фалсафий-рамзий маъно юклайди.

Энг муҳими, хикояда миллатнинг тили кулф бўлиб колишига сабаб бўлган шўро даври, хатто ўз дини ва эътиқодини баралла айта олишдан хам кўркадиган халк фожиаси Курбонали ва унинг отаси хаёти мисолида ва институт раҳбари гап-сўзлари оркали бадиий тасвирда акс эттирилади. Таъмирталаб бўлиб колган идоранинг зинаси Курбоналининг ташаббуси билан цемент килинади, сўнgra, жамиятдаги ижтимоий ўзгаришдан сўнг оддий цемент зиналар томигача мармардан килинади. Мазкур тасвирларда, хусусан, Курбоналининг идорадоши Одилхон ювошнинг кўидаги гап-сўзлариданок, зиёли шахснинг накадар кашшокона хаёт кечираётганидан викиф бўламиз: "– Курбон ака, – деди кўзини чимириб. Кўзойнагига кўрсаткич бармогини нуқди. Сўнг гоятда махфий янгиликни ошкор килаётган одамдек, бўзрайиб туриб шипшиди: – Зина колиб, девору томларгача мармар копланиб кетдию, саккиз йилдан бери ойнакни бутлолмайман!.." Жамиятда чиройли, замонавий бинолар кад ростлаши ва улар, шубҳасиз, инсониятга хизмат килиши давлатнинг тараккий этганлигидан нишона. Аммо ишхонадаги мармар зиналарнинг совуклиги, ялтироклиги ва тойгоклиги сингари инсон хис-туйгулари хам совуклашиб, бадбинлашиб, одамовилашиб кетмоги асло ижобий хусусият эмас. "Жим ўтирган одам" хикоясидаги иккинчи ўқ чизик – мармар зиналар кайсидир маънода хикояда инсонларга хос "усти ялтирок, ичи калтирок"

инсонларнинг рамзий тимсоли маъносини бадиий ифодалаган.

Замон кундан-кун шиддаткор, янгича ахборот технологияга, янги маълумотларни тез ўзлаштириб, жадал хаётга татбик эта оладиган уддабурон ёшларга, шахсларга мухтож. Энди бундай тезкор жамиятда Одилхон ювош сингари шахслар яхши хаёт кечиришга кодир эмас. Чунки тузум, жамият ва замона зайли ўзгарди. Хикоя қаҳрамони Курбонали Одилхон ювошнинг кўли калталиги сабабини замонадан эмас, ўзидан кўради:

“Кўзойнагинг дарз кетибди-ю, мабодо кўзинг ситилиб оксаям аравангни ўзинг, ўз кўлинг билан судрайдиган замон келганига канча бўлди, сўтак! Эпласанг – судра аравангни, кўчани бошингга кўтариб судра, эпламасанг – эгамнинг даргохи бепоён!..”

Курбоналининг ички монологи оркали ифодаланган фикрларидан аён бўлмоқдаки, у замондан оркада колиб кетган колок одам хам эмас, у фикрлай олади, баҳолай олади, лекин дилидаги гапини тилига чикармайди. Унинг энг катта нуксони шу. Зеро, юкоридаги қаҳрамон ички монологида у саккиз йилдан бери дарз кетган кўзойнагини янгилай олмаётган қасдошининг шундай юришига эътиroz билдириб: “Эпласанг – судра аравангни... эпламасанг – эгамнинг даргохи бепоён!..” – дея Одилхон ювошни ўлимга махкум этиб, уни аёвсиз танкид этади.

Бесуяк тили туфайли Курбоналининг бегуноҳ отаси икки маротаба камалиб чиккан. Шу боис, отаси калбига чўккан кўркув вахимаси, оғиз ичидағи бир парча этни душман сифатида талкин этиш принципи бора-бора фарзанд юрагини хам забт этади. Гўёки, кўркув – наслий-ирсий қасаллик каби авлоддан-авлодга ўтиб, забонсизлик, тилини ичига ютиб яшаш санъатини эгаллаган қаҳрамоннинг оиласи шажараси кўз олдимизда гавдаланади.

Курбонали эҳтиёткорликда, тилни бехуда валдиратмасликка шу даражада берилиб кетадики, натижада, у одамови, инсоний сифатлардан махрум бўлиб колган аянчли киёфага тушиб колади. Адид Курбонали образини сатирик образ даражасига олиб чиқиб тасвирлайди: “Бундай дамларда Курбонали ич-ичидан хоҳолаб кулади. Кулади-ю, сиртига чикармайди, шундай шодумон холатида хам ковоги солик, сипо, вазмин ва беозор киёфасига содик колади. Киёфа канчалик тўнг бўлса, худа-бехудага гаплашаверадиган, отамлашаверадиган кимсалар шунча камаяди. Курбонали елимдек ёпишкок таниш-нотанишлардан етти газ нари юради...” Мазкур психологик портретда Хуршид Дўстмуҳаммаднинг қаҳрамон руҳий холатини махорат билан акс эттиришда, хажвий наср ва сатирик образ яратишда рус ёзувчилари Гоголь, Чехов хамда таникли ўзбек адиллари Абдулла Кодирий, Абдулла Каххор, Саид Аҳмад сингари хикоянависларнинг ижодий тажрибалари унга кўл келганлиги яккол сезилиб турибди.

Курбонали бесамар хаёти натижасида, “маҳалланинг сўписи” даражасигагина чиқа олган оддий олим, у бурнининг тагидан нарини кўра олмади. Аслида, олим шахс дунё илмидан, дунё афкор оммаси кизикаётган муаммолар билан кизика олиши, улар билан баҳслашиши, жуда бўлмаганда, улар даражасида фикрлай олиши лозим эди. Адид Курбоналининг хаш-паш дегунча ўтиб кетган бесамар умри мисолида, бугунги кун зиёлисини жадалрок меҳнат килишга, факат тор доирада эмас, хориж илмини хам эгаллаш даркорлигини уқтираётгандек хиссиёт уйготади.

Хикояда Кимсан, мармар зина, телехронитель каби сўзларга ургу бериб борилар экан, шулар орасида, Курбоналининг шахсий кўрикчиси бор, деган гумонларга бориб колган ҳаммаслакларнинг гап-сўзларидаги иккинчи тагмаъноли сўзни укиб олишимиз мумкин. Бу, аслида, мустамлака шароитида яшаган ўзбекнинг ўтмишига ишора. Қаҳрамон исмининг “Курбонали” деб аталишида хам аник бадиий-эстетик максад кўзланганлиги

мукаррар.

Кузатганимиздек, Хуршид Дўстмуҳаммад хикоясида каватма-кават маъно мавжуд, шунга кўра, адид ижодини полифоник бадиий тафаккурга эга, дейиш мумкин.

Адабиётшунос Баходир Саримсоков метафора, метафорик образнинг назарий табиати ва хусусияти хакида тўхталиб, ўзининг “Бадиийлик асослари ва мезонлари” китобида шундай фикрни келтиради: “Бадиий асадраги кечинма шиддатини ошириш метафорик образга хос. ...Метафора ижодкорнинг ўёки бу нарса, воеа-ходисага нисбатан ўзининг салбий муносабатини тўгридан-тўгри ифодалаш учун хам хизмат этади”.

Олимнинг фикрларига кўшилган холда, ёзувчи баъзида бадиий асадра акс эттираётган образни номлашда фракатгина салбий муносабатини ифодалабгина колмай, холис ва очик-ошкора муносабатини ифодалаши мумкинлигини таъкидламокчимиз. Лекин, барibir хам, Баходир Саримсоков тўгри таъкидлаганидек, метафорик образда асосан салбий муносабат мужассам топади. Хуршид Дўстмуҳаммаднинг санъатга, хакикий ижодга муносабати “Нусҳакашнинг меросхўри” хикоясида жуда ёркин ифодаланган. Хикоя қаҳрамони рассом бутун умр портрет жанрида ишлаб, ижодини тирикчилик манбаига айлантиради. Натижада, у оддий нусҳакаш бўлиб колади. Қаҳрамоннинг исмига айланган “нусҳакаш” сўзи мазкур хикоядаги метафорик кўчим тарзида ифода топиб, ёзувчининг очик-ошкора муносабатини ўзида намоён этиб турибди.

Шунингдек, Собир Ўнар ва Абдукаюм Йўлдош хикоялари, асосан, анъанавий реалистик услугга курилган бўлиб, уларда майший, маънавий-ахлоқий, ижтимоий муаммолар етакчилик килади. Чунончи, Собир Ўнар “Тарвуз” хикоясида майший хаёт лавхаларини баён этиш оркали, инсоннинг тубанлашувини, хакикий дўстлик, инсонийликдан кўра, пул-мол-дунёни афзал кўрувчи Худойкул образининг хатти-харакатлари, рухияти оркали очиб беради. Хикояда тарвуз – психологик рамз воситасини ўтаган. Омондавлат дўстининг уйига тарвуз кўтариб келади, Худойкулнинг пулдор дўстлари келганда, дастурхонга тарвуз тортилиши, ахлатхонага тарвуз чиқариб ташланиши барчаси узвий равишда bogланиб, хикояда мухим бадиий гояни ифодалашга хизмат этган.

Назаримизда, Худойкул, аслида, ўзининг манфур, ташки жихатдан ялтирок, аммо ичи калтирок киёфаси билан тарвузнинг ташки холатини эсга солади. Тарвуз силлик, ялтирок, олачипор бўлганидек, Худойкул, табиати хам жамиятда хар кандай ишни пул билан силлик битказадиган, хислари тўмток, дагал инсоннинг рамзий тимсоли, дейишимиз мумкин.

Хуршид Дўстмуҳаммад “Сўрок” киссасида бош қаҳрамон Бозорнинг адабий галлюцинацияга учраган жараёни ва саргузаштли хаётини ифодалаш оркали, маънавий-ахлоқий, шунингдек, вижданан халол йўл билан хаёт кечириш сингари ижтимоий муаммоларга жиддий ургу беради. У учар ликопчалар билан баглик саргузаштлари, сўнгра, восвос бўлиб колиши натижасида, бутун кишлок ва раҳбар ходимлар юрагига вахима солади. Мазкур киссада ўзбек халк эртаклари анъаналари ва фантастика элементлари ажаб бир тарзда биришиб кетган. Колаверса, Хуршид Дўстмуҳаммад хикоя ва киссаларида 60-70-йилларда нашр этилган кўплаб назарий адабиётларда кайд этилган ички монологнинг бадиий-гоявий жихатдан монолог-муҳокама, монолог-хотира, монолог-кечинма турларидан ташкари, монолог-орзу, монолог-тафтиш, монолог-хәёлий-сухбат турлари хам учрайди. Худди шу холатни биз Улугбек Хамдамнинг “Ёлгизлик”, Назар Эшонкулнинг “Момокўшик”, “Тун панжаралари”, “Кора китоб” киссаларида хам кузатдик. Зоро, адабиётшунос олимлар ёзувчи ва шоирларимиз яратган бадиий адабиёт намуналари структурасини кузатиш ва

ўрганиш натижасида, адабий тур ва жанрларнинг, асар композицияси, услуб, ёзувчи дунёкараши ва маҳорати хакида конун-коидалар яратади. Бу назариялар осмондан олиб яратилмайди, балки адиллар яратган гўзал муждалар илмий мулоҳазалар юритишга туртки беради. Демак, адабиётшунослик, бадиий асарнинг конуниятлари хакида фикр юритар экан, реал бадиий асарлар асносида, муайян хулосалар чиқаришга асос беради. Назар Эшонкул “Момокўшик” киссасида: “Инсон учун хаётда нима мухим? Аёл баҳти нимада?” – деган бадиий-фалсафий муаммони ўртага ташлайди, Муazzамнинг хаёти мисолида бу саволларга жавоб топади. Кисса марказий ҳаҳрамони – Шамси Салоҳнинг хою ҳавасларга, ҳашамларга, машҳурликка ўчлиги нафакат кийинишида, гап-сўзларида, ҳатти-харакатларида динамик тарзда акс эттирилади. Киссада, айникса, Муazzам билан боғлик бадиий тасвирларда лирик-романтик услуб етакчилик килади. Тасодифан Муazzамнинг аллаловчи, сехрловчи гўзал кўшигини эшитган тўртта ҳашарчи (Шамси Салоҳ, Ислом Али ва икки актёр) хакикий санъат соҳибининг иқтидорига гувоҳ бўлиб колишади. Муazzамнинг ҳатти-харакатлари, ташки киёфасини ёзувчи кўчим турлари метафора, метонимик кўчим воситалари билан ифодалаб, тасвирда янада оригиналликка эришиш максадида ўхшатиш, жонлантириш, истиора каби тасвирий воситалардан унумли фойдаланади. Чунончи, адаб Муazzамнинг эркин ва озод кўшик куйлашини осмонда учеб юрган күшчага ўхшатади. Аёлнинг сехрли овози эса ҳёлда тоза, бегубор, самимий болаликни ёдга солади. Куйидаги бадиий тасвирга эътибор каратсак: “Унинг кизил чит кўйлаги югураётган пайтда ростдан ҳам олислардан келаётган кеманинг алвон елканига ўхшаб, хилпираб кетарди”. Бир карашда, бу жуда нотабиий метафорик кўчим бўлиб кўринади. Лекин иккинчи тарафдан, ҳакикатан ҳам узокдан кузатилганда кизил кўйлак кийиб югураётган аёлнинг ҳатти-харакатлари кизил алвонли кемага ўхшатилиши кўнгилда хеч қандай эътиroz уйготмайди. Аксинча, янгича бадиий ифодадан кўнгил галати тарзда коникади. Киссада, айникса, Шамси Салоҳ руҳияти билан пейзаж тасвири, нихоятда, бир-бирига уйгун ва мутаносиб акс эттирилганини кузатиш мумкин. Чунончи: “У саргайиб колган барглари дув тўкилаётган дарахтлар орасидан юриб борарди. Куёш аллакачон ботган, уфқда кизил шафак ёнарди. Оёқ остида чуркин новдалар карс-курс синар, богда пахта ва губор хиди анкирди.

....Хали кузнинг ярми ҳам ўтмаган бўлса-да, бод ичиди ва бодга туташ майсазорда каргалар тўда-тўда бўлиб изгиб юришарди ва ҳар-ҳар дамда нимадандир чўчишгандек талвасали кагиллаб кўйишарди. Салоҳнинг юраги бирдан оркага тортиб кетди, каргалар факат кабристондагина шундай вахимали кагиллашади. У качонлардир кимнингдир инояти билан экилган гужум дарахтининг тагидан ўтар экан, бўйнига чарс этиб нимадир тушди ва кўйлаги ичига сизиб кета бошлади ”. Шамси Салоҳнинг калби оёқ остида карс-курс синаётган новдалар каби синик, ёйинки, барглари дув тўкилган дарахт танаси сингари юраги ҳам бўм-бўш, шип-шийдам. Осмонда тўда-тўда бўлиб кагиллаётган каргаларнинг талвасали кагиллаши сингари Шамси Салоҳ юраги ҳам кўркинчли ва вахимали. Унинг калби курук хою ҳаваслар, ёлгон, жирканч, ноинсоний муносабатлар туфайли кабристонга айланган. Богдаги губор хиди, аслида, Шамси Салоҳнинг гаразли, губорли ниятларига ишора бераётгандек. Гужум дарахти шохидага ўтирган карганинг Шамси Салоҳ устига нажас ташлаб кетиши ҳам бежиз тасвирланмаган. Рамзий маънода ҳаҳрамон карга ахлати билан такдир томонидан мукофотланади. Бу мукофот Шамси Салоҳнинг Муazzам хакидаги гаразли максадлари, режаларига лойик ва муносиб тарзда белгиланган. Бизнингча, асар якунида Шамси Салоҳ Муazzам учун хакикий баҳт,

умуман, инсон хис-туйгулари учун тозалик ва самимиликнинг накадар мухимлигини англаб етади. Бу маглубият унга канчалик оғир ботмасин, ночор кишлок шароитида яшаса-да, ўзида яшашга, меҳнат килишга, кулишга, ўзини баҳти санашга куч топа олаётган Муazzам ва Отакулнинг баҳтиёrona, масрурона хаётини кузатиб, хатоларини англаб етади. Унинг исмидаги Шамс – офтоб, күёш маъносини англатади. Афсуски, Шамси Салоҳ ўз исмидаги чукур маънога зид равишда Муazzam ва Отакул орасига нур, ёргулик сочиш ўрнига, уларнинг ўртасига совукчилик туширади. Муazzam – сўзи эса улкан, катта маъноларини англатади. Асар қаҳрамони Муazzam оғир шароитда, ўз истаклари ва хоҳишлиридан кечиб бўлса-да, оила, фарзанд баҳти учун ўзини фидо этган ўзбек аёлининг рамзий тимсоли.

Бугунги ўзбек хикоя ва киссачилигини кўздан кечириш натижасида, хатто назарий колиларга тушмайдиган, гайриодатий услуб, гайриоддий образларга дуч келамиз. Назар Эшонкулнинг “Момокўшик” киссаси қаҳрамони Шамси Салоҳ нуткида узундан-узун монолог-орзулар учрайди. Хуршид Дўстмуҳаммаднинг “Сўрок” киссаси қаҳрамони Бозор нуткида эса монолог-хаёлий-сухбат кўзга ташланади. Нутк типлари бўйича жиддий изланишлар олиб борган адабиётшунос Йўлдош Солижонов монологнинг мазкур типини монолог-диалог деб атайди. Бизнингча, бу термин унчалик тўгри ишлатилмаяпти. Сабаби, диалог, албатта, иккита шахс ўртасида кечадиган мулокот тури. Аммо монолог-хаёлий-сухбатда реал шахс бўлмайди. Балки қаҳрамон хаёлан маъшукаси, дўсти, ракиби, онаси ё ким биландир ёки ўз-ўзи билан баҳслашади.

Сўнгги ўн йилликлар ўзбек хикоя ва киссачилиги шакл ва мазмун эътибори билан бадиий (бадиий услубда, бадиий образда, бадиий тасвирий воситаларда) ва, шунингдек, эстетик янгиланишлар (аксар ўзбек хикояларида комиллик, халоллик, маърифатпарварварлик – эстетик идеал сифатида намоён бўлмокда) килганлигини яккол кузатишимиш мумкин. Хуллас, хозирги ўзбек хикоя ва киссачилигига хос бадиий-эстетик янгиланишларни илмий асосда ўрганиш, таҳлил этиш, бугунги адабиётшунослигимиз олдида турган долзарб масаладир.